



Služba za finansije, inspekcijske poslove i opću upravu

Broj: 03/1-2-33-790/21
Breza, 22.03.2021.godine

OPĆINSKO VIJEĆE BREZA
- SLUŽBA OPĆINSKOG VIJEĆA -
Ovdje

**Bosna i Hercegovina
Federacija Bosne i Hercegovine
ZENIČKO-DOBBOJSKI KANTON
OPĆINA BREZA
OPĆINSKI NAČELNIK**

Primljeno: 22-03-2021			
Org. jed.	Broj	Pričag	Vrijednost

Predmet: Informacija o poduzetim aktivnostima na sprječavanju i suzbijanju širenja korona virusa (COVID-19) na području općine Breza, za period 01.01.2021.-17.03.2021. godine, **dostavlja se.**

Ako se osvrnemo na prethodnu godinu, odnosno sami početak pandemije, te kako je bilo teško uspostaviti sistem praćenja situacije i poduzimanje mjera u cilju sprječavanja i ranog otkrivanja eventualnog slučaja bolesti izazvane novim korona virusom na teritoriji Federacije BiH, kao i koordiniranje aktivnosti između nadležnih institucija, sad se sa sigurnošću može reci da koordinacija postoji i da funkcioniše veoma dobro.

U cilju zaštite cjelokupnog stanovništva općine Breza, Općinski načelnik je svojim Rješenjem broj: 01/2-04-464/20 od 28.02.2020. godine, formirao Koordinaciono tijelo za praćenje korona virusa sastavljeno od predstavnika svih relevantnih općinskih službi i javnih institucija na području općine Breza, čiji je zadatak bio da prati sve naredbe i upute Federalnog i Kantonalnog kriznog štaba, da ostvaruje i koordinira saradnju sa higijensko - epidemiološkom službom JU "Dom zdravlja Breza", kao i da redovno obaviještava građane o novonastaloj situaciji.

Članovi Koordinacionog tijela redovno su se sastajali sve do novembra 2020. godine, te građane općine Breza redovno obavještavali o trenutnoj epidemiološkoj situaciji.

Iako više, zvanično, ne postoje redovni sastanci svih članova Koordinacionog tijela Općine Breza, sanitarno - komunalni inspektor Općine Breza zajedno sa Operativnim timom za praćenje korona virusa JU "Dom zdravlja" Breza (direktor, epidemiolog, doktor medicine, glavna sestra, medicinski tehničar iz HES-a), kao i kompletnom upravom PS Breza, svakodnevno koordiniraju aktivnosti i poduzimaju mjere na sprječavanju i suzbijanju širenja korona virusa (COVID-19) na području općine Breza.

Poduzete aktivnosti na sprječavanju i suzbijanju širenja korona virusa (COVID-19) iz nadležnosti JU „Dom zdravlja“ Breza, za period 01.01.2021.-17.03.2021. godine, dat je u prilogu ove Informacije po mjesecima.



Adresa: Bogumilska br.1 tel: 032/786-061 centrala, 032/786-027 inspekcija,
fax: 032/786-031, 032/786-041

e-mail: inspekcija@breza.gov.ba www.breza.gov.ba



Poduzete aktivnosti na sprječavanju i suzbijanju širenja korona virusa (COVID-19) iz nadležnosti sanitarno - komunalnog inspektora Općine Breza, za period 01.01.2021.-17.03.2021. godine.

Inspektor je u navedenom periodu vršio pojačan inspekcijski nadzor, u cilju kontrole i provođenja mjera utvrđenih Naredbama Kriznog štab Federalnog ministarstva zdravstva, radi sprječavanja širenja korona virusa (COVID-19) na području općine Breza.

U noći 31.12.2020. godine, te 01.01.2021. i 02.01.2021. godine, inspektor je zajedno sa policijskim službenicima vršio inspekcijski nadzor u ugostiteljskim objektima, a u kojima je bio zabranjen doček Nove godine, shodno Naredbama Kriznih štabova. U navedenim noćima inspektor je konstatovao da je samo u tri objekta došlo do kršenja higijensko - epidemioloških mjera, te je za vlasnike istih djelovao represivno, izdavanjem prekršajnih naloga.

Redovno je vršena inspekcijska kontrola i ostalih objekata na području općine Breza (tržnih centara, trgovina na malo, mesara, pekara, frizerskih i kozmetičkih salona i sl.) u smislu pojačanog higijensko - sanitarnog i higijensko - epidemiološkog nadzora u prostorima gdje se obavljaju navedene djelatnosti.

Svi vlasnici gore navedenih objekata dužni su ispunjavati sljedeće uslove:

- **SANITARNA KNJIŽICA** - je obavezan dokument za svaku osobu koja obavlja poslove u proizvodnji ili prometu hrane, obavlja poslove u obrazovnim i drugim ustanovama za djecu i omladinu, osobama koje rade u objektima za pružanje higijenske njegе stanovništву, a izdaje je higijensko - epidemiološka služba Zavoda za javno zdravstvo;
- **KURS SANITARNO-HIGIJENSKOG MINIMUMA** - je takođe obavezan dokument za svaku osobu koja obavlja poslove u navedenim objektima, a obuka se obavlja u skladu sa predviđenim procedurama za obuku u Zavodu za javno zdravstvo;
- **REDOVNO ISPITIVANJE ZDRAVSTVENE ISPRAVNOST HRANE (OBJEKTI KOJI VRŠE PRIPREMU HRANE)** – obavezno putem ovlaštene laboratorije;
- **PREVENTIVNA DEZINFEKCIJA, DEZINSEKCIJA I DERATIZACIJA** – obavezna opća mjera za sprečavanje pojave zaraznih bolesti koja se mora provoditi u skladu sa Zakonom, a putem ovlaštene firme i o tome se vode evidencije;
- **TEKUĆA DEZINFEKCIJA** - obavezno provoditi svakodnevno više puta;
- **DEZINFEKCIJONO SRETSTVO** - obavezno ;
- **ZAŠTITNA OPREMA ZA ZAPOSLENIKE I KLIJENTE** – obavezno;
- **FIZIČKO DISTANCIRANJE** – obavezno;
- **PREPORUKE ZA ORGANIZACIJU RADA POJEDINIХ OBJEKATA**- objavljene na stranici Instituta za zdravlje i sigurnost hrane Zenica.

Sve naprijed navedeno inspektor konstantno kontroliše, a sve u cilju zaštite stanovništva od zaraznih bolesti, te se može reći da je stanje vrlo dobro kad su u pitanju navedene obaveze vlasnika objekata na području općine Breza.

Sanitarno - komunalni inspektor je aktivno sarađivao sa Higijensko - epidemiološkom službom JU "Doma zdravlja Breza", kao i PU Breza. Na osnovu dostavljenih epidemioloških izvještaja od nadležnih HES službi, inspektor je po službenoj dužnosti, u postupku inspekcijskog nadzora nad osobama kod kojih je laboratorijskim testom potvrđeno prisustvo korona virus (COVID-19), ili koje su bile u kontaktu sa osobama kod kojih je laboratorijskim testom potvrđeno prisustvo korona virus (COVID-19), shodno Zakonu o zaštiti stanovništva od zaraznih bolesti („Službene novine Federacije BiH“, broj 29/05), rješenjima izričao mjere zabrane kretanja/kućna izolacija.

U ovom periodu sanitarno – komunalni inspektor je izdao ukupno **301 rješenje** o zabrani kretanja, što je 1/3 od ukupnog broja rješenja izdati od početka pandemije, te se može konstatovati da je epidemiološka situacija na području općine Breza, u navedenom periodu veoma nepovoljna.



Adresa: Bogumilska br.1 tel: 032/786-061 centrala, 032/786-027 inspekcija,
fax: 032/786-031, 032/786-041

e-mail: inspekcijska@breza.gov.ba www.breza.gov.ba



Poduzete aktivnosti na sprječavanju i suzbijanju širenja korona virusa (COVID-19) iz nadležnosti PS Breza, za period 01.01.2021.-17.03.2021. godine.

Policjska stanica Breza vršila je kontrolu postupanja po rješenju sanitarno – komunalnog inspektora Općine Breza, kao i drugih inspektora, tako što je svakodnevno i kontinuirano vršila nadzor lica koja su oboljela od korona virusa (COVID-19), a shodno podacima koji su se redovno unosili u elektronsku bazu podataka Ministarstva unutrašnjih poslova ZDK.

U navedenom periodu inspektor nije dostavljena ni jedna službena zabilješka, kojom je evidentirano kršenje određene mjere izolacije, a na osnovu koje bi inspektor djelovao shodno svojim nadležnostima.

Pripadnici PS Breza uvjek su pružali potrebnu podršku inspektoru u toku vršenja inspekcijskog nadzora, a sve u cilju zajedničkog djelovanja na sprječavanju i suzbijanju širenja korona virusa.

S poštovanjem!

Prilog:

- Izvještaj JU "Dom zdravlja" Breza

Destavljeno :

- 1x Naslovu
- 1x Pomoćnik načelnika 03/1
- 1x Evidencija
- 1x a/a



Sanitarno - komunalni inspektor
Elsada Šehović, dipl.ing.hem.



Adresa: Bogumilska br.1 tel: 032/786-061 centrala, 032/786-027 inspekcija,
fax: 032/786-031, 032/786-041
e-mail: insekcija@breza.gov.ba www.breza.gov.ba





JU DOM ZDRAVLJA
BREZA

JU Dom zdravlja Breza
Šehidska 12
71370 Breza

Datum: 17.03.2021

Mjesečni izvještaji - COVID-19

Januar 2021:

Broj ljekarskih pregleda od 0-24h 413

Broj usluga medicinskih sestara 1239

Ukupno testiranih za mjesec januar u DZ Breza je 50

Sumnja na COVID-19 je 25

Ostale medicinske indikacije 25

Pozitivan RT –PCR test na COVID-19 je 21

Negativan RT –PCR test na COVID-19 je 44

Pozitivni Ag testovi DZ Breza 10 od ukupno testiranih 21

Hospitalizirano: 3-trenutno 1

Otpušteno oporavljeno 1

Preminulo 1

Februar 2021:

Broj ljekarskih pregleda od 0-24h 643

Broj usluga medicinskih sestara 1929

Ukupno testiranih za mjesec februar u DZ Breza je 90

Sumnja na COVID-19 je 58

Ostale medicinske indikacije 32

Pozitivan RT –PCR test na COVID-19 je 40

Negativan RT –PCR test na COVID-19 je 47

Pozitivni Ag testovi DZ Breza 22 od ukupno testiranih 46

Hospitalizirano: 20-trenutno 5

Otpušteno oporavljeno 9

Preminulo 6

Mart 2021:

Broj ljekarskih pregleda od 0-24h do 17.03.2021 je 861

Broj usluga medicinskih sestara do 17.03.2021 je 3444

Ukupno testiranih za mjesec mart do 17.03.2021 u DZ Breza je 63

Sumnja na COVID-19 je 48

Ostale medicinske indikacije 15

Pozitivan RT –PCR test na COVID-19 je 35

Negativan RT –PCR test na COVID-19 je 27

Pozitivni Ag testovi DZ Breza 62 od ukupno testiranih 99

Hospitalizirano: 23-trenutno 6

Otpušteno oporavljeno 7

Preminulo 10